



4. september 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Nuummi, Ilulissani Qaqortumilu timmisartunut suluusalinnut mittarfiit aningaasalersornissaat pillugu:

1. Nuummi, Ilulissani Qaqortumilu timmisartunut suluusalinnut mittarfiit sananeqartussatut pilersaarutaareersut aningaasalersornissaat pillugu isumaqatigiinniarnert sumut killippat?

a. Taarsigassarsilluni aningaasalersuinissaq imaluunniit nammineq aningaasaatit atorlugit aningaasalersuinissaq annermik isumaqatigiinniutigineqarpa?

b. Aningaasalersueriaatsiat assigiinngitsut landskarsimut piffissaq ungasinnerusoq isigalugu sunniutissai pillugit naatsorsuutit pigineqarpap?

c. Aningaasalersuinissamut isumaqatigiinniarnerni mittarfinnik ingerlatsinissaq ilaatinneqarpa imaluunniit Mittarfeqarfiit isumaqatigiissuteqarfigineqareernikuuppat mittarfiit pingasut ingerlannissaat pillugu?

d. Kalaallit Airports naammattunik aningaasaateqarpa allaat suliap ingerlarnge tamaat akilersinnaassallugu imaluunniit immikkut aningaasaliisoqartariaqarnissaa pisariaqartinneqarpa?

2. Naalakkersuisut eqqarsaatiginerlugu mittarfiit pillugit suliap aggulunneqassasut, mittarfiit ataasiakkaat immikkut aningaasalersortussanngorlugit imaluunniit eqqarsaataava mittarfiit pingasut ataatsikkut aningaasaliisartunut ataatsikkut aningaasaliiffissatut isigineqarniarpat?

3. Mittarfiit pisortat- namminersortullu piginneqatigiiffissaattut tuniniarneqassaap Naalakkersuisut qanoq isumaqarfigaat?

4. Aningaasalersuinissamut pilersaarut inaagaq qaqugu Naalakkersuisut saqqummiutissallugu naatsorsuutigaat?

5. . Naalakkersuisut suliamut tunngatillugu soqutiginartunik allanik oqaatigisaqarsinnaappat?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Nuannerpoq takullugu Nuummi Ilulissanilu atlantiku qulaallugu timmisartunut mittafiliorniarnert kiisalu Qaqortumi nanap immikkoortuani timmisartuliorniarneq siuariartormata.



Taamaasilluta Demokraatini paasivarput ingeniørnit siunnersuisartut sulliviutaat Cowi A/S toqqarneqarsimasoq Kalaallit Airports sinnerlugit tamakkiisumik pilersaarusiormi siunnersuisussatut kiisalu timmisartunut suluusalinnut mittarfinnut pingasunut pilersaarusiortussatut suliat imatut suliarineqartussanngorlugit:

- Aggusti 2017: Ilulissani mittarfiup titartarneqarnera aallartinneqassaaq
- Oktobari 2017: Nuummi mittarfiup titartarneqarnera aallartinneqassaaq
- Decembari 2017: Qaqortumi mittarfiup titartarneqarnera aallartinneqassaaq

Titartarneqartussat pingasut eqqarsaatigalugit naatsorsuutigineqarpoq ataatsimut pilersaarusiorneq qaammatinik arfineq-pingasunik sivilisussuseqarumaartoq. Tamatuma kingorna mittarfiit sanaartorneqarnissaat suliariumannittussarsiuunneqassaaq. Tamanna pereerpat Qaqortumi mittarfissaq 2020-mi novembarimi naammassineqarumaartoq naatsorsuutigineqarpoq, kiisalu Ilulissani Nuummilu mittarfissat naammassineqarsimassagatinneqarput 2021-mi oktobarip qaammataani.

Demokraatinili ernummateqarpugut mittarfissat aningaasalersorneqarnissaat eqqarsaatigalugu. Aningaasaqarnermut Akileraartarnermullu Naalakkersuisup taggiinera kingulleq naapertorlugu mittarfiit pingasut sanaartorneqarnerat 3,6 milliarder koruuninik akeqassapput. Aningaasarpassuupput aamma aningaasarpassuupput landskarsimi pigineqanngitsut, tassa imaappoq mittarfiit aningaasalersorneqartariaqartussaapput taarsigassarsinikkut aamma/imaluunniit avataaneersut sanaartornissamut aningaasaliisariaqassapput.

Tamanna tunngavigalugit Inatsisartunut innuttaasunullu pingaaruteqarpoq paasisaqarfiginerussallugu sanaartornissat aningaasalersornissaannut Naalakkersuisut sunik pilersaaruteqarnerisut.

Apeqqutit akeqquakka ullut suliffiit nalignnaasut qulit iluanni.